

Powšitkowne WOZJEWJENJA

njedźelu, 11. septembra 2011

Patronatne kemše w Chróscicach

Wobydlerjo a přistajeni Domu swjateje Ludmile w Chróscicach woswjeća pjatk, 16. septembra, na swjedženju swjateje Ludmile, swój patronatny dzeń. Wutrobnje přeprošamy na swjatočnu Božu mšu w 10 hodž. do wosadneje cyrkweje. *W. Brězan*

Nyšpor w Drježdžanach

Serbja w Drježdžanach, jich přiwuzni a přećeljo su přeprošeni na serbski nyšpor sobotu, 17. septembra, w 15 hodž. do cyrkweje swj. Józefa w Drježdžanach-Pieschenje, Rehefeldska 61. Po nyšporje zetkamy so w Šoćic kofejowni na serbsku bjesadu. *Marjana Bubnarjec*

Benedikcija noweje abatisy

Swjatočna benedikcija noweje abatisy klóštra Marijineje Hwězdy sotry Marije Philippy Kraft budže njedźelu, 18. septembra, w 15 hodž. w klóšterskej cyrkwi. Božu mšu změje Drježdžansko-Mišnjanski biskop Joachim Reinelt. Swjećiznu abatisy přewozmje generalny abt cistercienskeho rjadu Mauro-Giuseppe Lepori z Roma. Dokelž njezměja wšitcy kemšerjo w cyrkwi městna, so Boža mša per widejo do wulkeje rumnosće blisko cyrkweje přenjese a akustisce tohorunja na klóšterski dwór.

Zetkanje Krupčanskich putnikow

Wšitcy, kotřiž su lětsa do Krupki putnikowali, su přeprošeni na zetkanje ze zhromadneje wječerju, kotrež budže pjatk, 16. septembra, po kemšach w Chróscicach. Boža mša je w 19 hodž.

Mandźelski seminar

Přizjewjenja za seminar k přihotej na mandželstwo wot pjatka do soboty, 25. do 26. nowembra, w Smochćicach přijimuja so pisomnje hač do pjatka, 16. septembra, w Dekanatnym dušepastyrstwe we Worklecach. Formularjy su w cyrkwjach wupožene.

„Bamžej cyle blisko“

Što da poprawom bamž takle wšitko čini? Hdže bydli? Čehodla ma čerwjene črije? – Na pytanje za wotmołwami na tute a dalše prašenja pod heslom „Bamžej cyle blisko“ přeprošuje Dekanatne dušepastyrstwo šulerki a šulerjow 3. a 4. lětnikow sobotu, 24. septembra, wot 9 hodž. do 15 hodž. do Don Boskoweho domu we Worklecach. Zajimcy njech so prošu hač do wutory, 20. septembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zhromadža so wot kóždeho wobdźělnika tři eura přinoška.

Nyšpor z požohnowanjom konjacych zapřahow

Towarstwo Cyrila a Metoda z.t., sekcija wěda a skutk, přeprošuje tež lětsa wěriwych ze wšitkich serbskich wosadow na wosebity nyšpor domchowanki. Tutón budže njedźelu, 25. septembra, w 14 hodž. w Chróscicach na łuce při Hatkach (za starownju). Nyšpor wobrubja wosadni dujerjo a chór Bratrowstwa. Na nim požohnuja so konjace zapřahi.

Koparski turněr młodžiny

Koparski turněr dekanatneje młodžiny přewjedže so pónđzelu, 3. oktobra, wot 10 hodž. w Pěskcach. Hrać budže so na małym polu dwójce sydom mjeńšin. Hólče a tež holče mustwa njech so přizjewja hač do štwórtka, 29. septembra, w Don Boskowym domje we Worklecach pod telefonowym čisłom (03 57 96) 9 55 95.

Jězba do Naumburga

Dekanatne dušepastyrstwo přeprašuje džěći 5. a 6. lětnika wot wutory, 18. oktobra, do pjatka, 21. oktobra, na jězbu do Naumburga. Zajimcy njech so prošu hač do wutory, 4. oktobra, 2011 pod telefonowym čisłom (03 57 96) 8 87 07 přizjewja. Nadrobniše informacije so za tydžeń wozjewja..

Serbskorěčne eksercicije we Wysokich Dubach

Maće hišće jedyn dzeń dowola? Mam namjet, kak móžeće jón wužić za wočerstwjenje a připódla so nasrěbać duchownych mocow. W Drježdžanach Wysokich Dubach wotměja so wot štwórtka, 3. nowembra, wječora hač do njedzele, 6. nowembra, připołdnja eksercicije za serbskich wěriwych. Jezuitski pater Köst kurs přewjedže. Modlitwy a kěrlušy su serbske, přednoški němske. Nimo toho su tam přijomne stwy, dobra kuchnja a krasna wokolina za wuchodžowanje. Zajimcy njech so telefonisce přizjewja pola Marije Clausenoweje (03 57 96) 1 84 34 abo pola mje (03 59 35) 2 04 25.

T. Kubašec